

唐

音

統

籤

丙籤二十一 王昌齡之二 唐音統籤卷一百十

五言古詩二

途中作

遊人愁歲晏早起遵王畿
墜葉吹未曉疎林月微
微驚禽棲不定寒獸相因
依歎此霜露下復聞鴻
鴈飛渺然江南意惜與中
途違羈旅悲壯髮別離
念征衣永圖豈勞止明節
期所歸寧厭楚山曲無
人長掩扉

過華陰

雲起太華山一作山色互明滅東峯始含景了了

見松雪羈人感幽棲脊映轉奇絕欣然忘所疲永
望吟不輟信宿百餘里出關玩新月何意昨來心
一作作遇物遂遷別人生屢如此何以肆愉悅
冥冥

山行入涇州

倦此山路長停驂問賓御林巒信回惑
一作惘林
往或回

白日落何處徙倚望長風滔滔引歸慮微雨隨雲
收濛濛傍山去西臨有邊邑北走盡亭戍涇水橫
白煙州城隱寒樹所嗟異風俗已自少情趣豈伊
戀懷土解物且欣遇

大梁途中作

怏怏步長道客行渺無端郊原欲下雪天地稜稜
寒當時每酣醉不覺行路難今日無酒錢悽惶向
誰歎

九江口作

漭漭江勢闊雨開潯陽秋驛門是高岸望盡黃蘆
洲水與五谿合心期萬里遊明時無棄才謫去隨
孤舟鷺鳥立寒木丈夫氣吳鉤何當報君恩却繫
單于頭

太湖秋夕

水宿煙雨寒洞庭霜落微月明移舟去夜靜竟夢

歸暗覺海風度蕭蕭聞鴈飛

鄭縣宿陶太公館中贈馮六元二

儒有輕王侯脫畧當世務

一作譽

本家藍田下

一作谿中

非爲漁弋故無何困躬耕且欲馳永路幽居與君

近出谷同所鶩

一作務

昨日辭石門五年變秋露雲

龍未相感于謁亦已屢子爲黃綬羈余忝蓬山顧

京門望西嶽百里見郊樹飛雨祠上

一作下

來靄然

關中暮驅車鄭城宿秉燭論往素山月出華陰開

此河渚霽清光比故人豁達展心晤馮公尚戢翼

元子仍跼步拂衣易爲高淪跡難有趣張范善終

始吾等豈不慕罷酒當涼風屈伸備冥數

緱氏尉沈興宗置酒南谿留贈

林色與谿古深篁引幽翠山樽在漁舟棹月情已
醉始窮清源口壑絕人境異春泉滴空崖萌草折
陰地久之風榛寂遠聞樵聲至海鴈時獨飛永然
滄洲意古時青冥客滅跡淪一尉吾子躊躇心豈
其紛埃事緱峯一作峯信所慰濟北余一作餘乃遂齊
物意已會一作可息肩理猶未卷舒形性表麕羸
賢哲議仲月期角巾飯僧嵩陽寺

贈史昭

東林月未升廓落星與漢是夕鴻始來齊中起長
歎懷哉望南浦眇然夜將半但有秋水聲愁使心
神亂握中何所贈瑤草已衰散海鱗未化時各在
天一岸

爲張僨贈閻使

哀哀獻玉人楚國同悲辛泣盡繼以血何由辨其
真賴承琢磨惠復使光輝新猶畏讒口夷棄之如
埃塵

聽彈風入松闕贈楊補闕

商風入我絃夜竹深有露絃悲與林寂清景不可

悲寥落幽居心颼颼青松樹松風吹草白谿水寒
暮聲意去復還九變一作待一顧空山多雨雪
獨立君始悟

酬鴻臚裴主簿雨後北樓見贈

又見高適集

暮霞照新晴歸雲猶相逐有懷晨昏暇想此登眺
目問禮侍彤檐題詩訪茅屋高樓多古今陳事滿
陵谷地久微子封臺餘孝王築徘徊顧霄漢豁達
俯川陸遠水對孤城長天向喬木公門何清靜列
戟森已肅不歎攜手稀常思着鞭速終當拂羽翰
輕舉隨鴻鵠

秋山寄陳讜言

巖間寒事早，衆山木已黃。北風何蕭蕭，茲夕露爲霜。
感激未能寐，中宵時慨慷。黃蟲初悲鳴，玄鳥去我梁。
獨卧時易晚，離羣情更傷。思君若一作不及，鴻鴈今南翔。

宿灞上寄侍御璵弟

獨飲灞上亭，寒山青門外。長雲驟落日，桑棗寂已晦。
古人驅馳者，宿此凡幾代。佐邑由東南，豈不知進退。
吾宗秉全璞，楚得璆琳最。茅山就一徵，柏署起三載。
道契非物理，神交無畱礙。知我滄溟心，脫

畧腐儒輩孟冬鑿輿出陽谷羣臣會半夜馳道喧
五侯擁軒蓋是時燕齊客獻術蓬瀛內甚悅我皇
心得與王母對賤臣欲干謁稽首期頽碎哲弟感
我情問易窮否泰良馬足尚晚寶刀光未淬昨聞
羽書飛兵氣連朔塞諸將多失律廟堂始追悔安
能召書生願得論要害戎夷非草木侵逐使狼狽
雖有屠城功亦有降虜輩兵糧如山積恩澤如雨
霈羸卒不可興殫地無足愛若用匹夫策坐令重
圍潰不費黃金資寧求白壁賚明主憂旣遠邊事
亦可大荷寵務推誠離言深慷慨霜搖直指草燭

引明光珮公論日夕阻朝廷蹉跎會孤城海門月
萬里流光帶不應百尺松空老鍾山霧

潞府客亭寄崔鳳章

蕭條郡城閉旅館空寒煙秋月對愁客山鐘搖暮
天新知偶相訪斗酒情依然一宿阻長會清風徒
滿川

次汝中寄河南陳贊府

汝山方聯延伊水纔明滅遙見入楚雲又此空館
月紛然馳夢想不謂遠離別京邑多歡娛衡湘暫
沿越明湖春草遍秋桂白花發豈惟長思君日夕

在魏闕

出郴山口至疊石野人室中寄張十一

楸栴無冬春柯葉連峯稠陰壁下蒼黑煙含清江
樓景開獨浴曳響答隨興酬旦夕望吾友如何迅
孤舟疊沙積爲岡崩剝雨露幽石脉盡橫巨潛潭
何時流旣見萬古色頗盡一物由永與世人遠氣
還草木收盈縮理無餘今往何必憂郴土羣山高
耆老如中州孰云議外降豈是娛宦遊陰火昔所
伏丹砂將爾謀昨臨蘇軌并復歸衡陽求同一作問
疾來相依脫身常有籌數日乃離居風湍成阻修

野人善竹器童子能谿語寒月波蕩漾羈鴻去悠
悠

同從弟銷南齋翫月憶山陰崔少府

高卧南齋時開帷月初吐清輝淡水木演漾在牕
戶冉冉幾盈虛澄澄變今古美人清江畔是夜越
吟苦千里其如何微風出蘭一作芳杜

東京府縣諸公與綦母潛李頎相送至白馬
寺宿

鞍馬上東門徘徊入孤舟賢豪相追送卽棹千里
流赤岸一作遠峯落日在空波微烟收薄宦忘機拈醉

寒卽復

一作

淹留月明見古寺林外登高樓南風閒

長廊夏夜如涼秋江月照吳縣西歸夢中遊

留別岑參兄弟

江城建業樓山盡滄海頭副職守茲縣東南棹孤
舟長安故人宅秣馬經前秋便以風雪暮還爲縱
飲留貂蟬七葉貴鴻鵠萬里遊何以念鐘鼎所在
烹肥牛爲君嘯一曲且莫彈箏篴徒見枯者豔誰
言直如鈎岑家雙瓊樹騰光難爲疇誰言青門悲
俯期吳山幽日西石門嶠月吐金陵洲追隨探靈
怪豈不驕王侯

留別武陵袁丞

皇恩暫遷謫待罪逢知己從此武陵谿孤舟二千里
桃花遺古岸金澗流春水誰識馬將軍忠貞抱生死

留別伊闕張少府郭都尉

遷客就一醉主人空金壘江湖青山底欲去仍徘徊
郭侯未相識策馬伊川來把手相勸勉不應老塵埃
孟陽逢山舊僊館留清才日晚勸趣別風長雲逐開
幸隨板輿遠負謫何憂哉唯有仗忠信音書報雲雷

岳陽別李十七越賓

相逢楚水寒，舟在洞庭驛。具陳江波事，不異淪棄
跡。杉上秋雨聲，悲切蒹葭夕。彈琴收餘響，來送千
里客。平明孤帆心，歲晚濟代策。時在身未充，瀟湘
不盈晝。湖小洲渚聯，澹淡煙景碧。魚鼈自有性，龜
龍無能易。譴黜同所安，風土任所適。閉門觀玄化，
攜手遺嶺益。

巴陵別劉處士

一作巴陵劉處士東齋作

劉生隱岳陽，心遠洞庭水。偃帆入山郭，一宿楚雲
裏。竹映秋館深，月寒江風門。一作起烟波，桂陽接日

夕數千里嫋嫋清夜猿孤舟坐如此湘中有來鴈
雨雪候音旨

別劉譔

天地寒更雨蒼茫楚城陰一樽廣陵酒十載衡陽
心倚仗不可料悲歡豈易尋相逢成遠別後會何
如今身在江海上雲連京國深行當務功業策馬
何駸駸

山中別龐十

幽娟松篠徑月出寒蟬鳴散髮卧其下誰知孤隱
情吟時白一作碧雲合釣處一作罷玄潭清瓊樹方杏

靄鳳兮保其貞

送韋十二兵曹

縣職如長纓終日檢我身平明趨郡府不得展故人故人念江湖富貴如埃塵迹在戎府掾心遊天台春獨立浦邊鶴白雲長相親南風忽至吳分散還入秦寒夜天光白海靜月色真對坐論歲暮絃悲豈一作歌起無因平生馳驅分非謂杯酒仁出處兩不合忠貞何由仰看君孤舟去且欲歌垂綸

送劉昶虛歸取宏詞解

太清聞海鶴遊子引鄉眄聲隨羽儀遠勢與歸雲

便青桂春再榮白雲暮來變遷飛在禮義豈復淚
如霰

送李擢遊江東

清洛日夜漲微風引孤舟離腸一作便千里遠夢

生江樓楚國橙橘暗吳門煙雨愁東南具今古歸

望山雲秋

一作收

送任五之桂林

楚客醉孤舟越水將引棹山爲兩鄉別月帶千里
貌羈譴同繒綸僻幽聞虎豹桂林寒色在苦節知

所効

送東林廉上人歸廬山

石谿流已亂苔徑人漸微日暮東林下山僧還獨
歸昔爲廬峯意况與遠公違道性深寂寞世情多
是非會尋名山去豈復望清輝

觀江淮名勝圖

刻意吟雲山尤知隱淪妙遠公何爲者再詣臨海
嶠而我高其風披圖得遺照援毫無逃境遂展千
里眺淡掃荆門煙明標赤城燒青蔥林間嶺隱見
淮海徼但指香爐頂無聞白猿嘯滅門旣云滅獨
往豈殊調感對懷拂衣胡寧事漁釣安期始遺鳥

唐詩續集
千古謝榮耀投跡庶可齊滄浪有孤棹

江上聞笛

橫笛怨江月扁舟何處尋聲長楚山外曲遶胡關
深相去萬餘里遙傳此夜心寥寥浦澈寒響盡惟
幽林不知誰家子復奏邯鄲音水客皆擁棹空霜
皆盈襟羸馬望北走遷人悲越吟何當邊草白旌
節隴城陰

琴

孤桐秘虛鳴朴素傳幽真髮髯絃指外遂見初古
人意遠風雪苦時來江山春高宴未終曲誰能辨

經綸

段宥廳孤桐

鳳凰所宿處月映孤桐寒
槁葉零落盡空柯蒼翠
殘虛心誰能見直影非無
端響發調尚苦清商勞

一彈

卷終

丙籤二十一王昌齡之三 唐音統籤卷一

百十

七言古詩

箜篌引

盧谿郡南夜泊舟

盧溪在辰州龍標故地卽馬援歌中武溪水所出也或作瀘溪

非者夜聞兩岸羌戎謳其時月黑猿嘒嘒微雨霑衣

令人愁有一遷客登高樓不言不寐彈箜篌彈作

薊門桑葉秋風沙颯颯青塚頭將軍鐵鬃汗血流

深入匈奴戰來休黃旗一點兵馬收亂殺胡人積

如丘瘡痍藥來配邊州仍披漠北羔羊裘顏色饑

枯掩面盡顰蹙淚滴深兩眸思還本鄉食羴牛欲

語不稱翰墨或有強壯能嚙嚙意說被他邊將
讎五世身身海漢主留碧毛龜帳河曲遊橐駝五萬
部落剽劫賜飛鳳金兜鍪爲君百戰如過籌靜掃
陰山無鳥投家藏鐵券特示示黃金千斤不稱求
九族分離作楚囚深谿寂寞絃苦幽草木悲感聲
颼颼僕本東山爲國憂明光殿前論九疇讀兵
書盡冥搜爲君掌上施權謀洞曉山川無與儔紫
宸詔發遠懷柔攝筆飛霜如奪鈎鬼神不得知其
由憐愛蒼生比虬蟠一作河屯兵須漸抽盡遣
降來拜御溝便令海內休戈矛何用班超定遠侯

史臣書之得已不

烏栖曲

白馬逐朱車黃昏入狹邪
狹邪柳樹烏爭宿爭枝
未得飛上屋東房少婦
婿從軍每聽烏啼知夜分

城傍曲

秋風鳴桑條草白狐兔驕
邯鄲飲來酒未消城北
原平掣皂鵬射殺空營
兩騰虎迴身却月佩弓
殞

行路難

雙絲作縷繫銀瓶百尺寒
泉轆轤上懸絲一絕不
可望似妾傾心在君掌
人生意氣好遷捐只重狂

花不重賢宴罷調箏奏離鶴迴嬌轉盼泣花前君
不見眼前事豈保須臾心勿異西山日下雨足稀
側有浮雲無所寄但願莫忘前者言到骨黃塵亦
無愧行路難勸君酒莫辭煩美酒千鍾猶可盡心
中片恨何可論一聞漢主思故劔使妾常嗟萬古
竟

奉贈張荊州

祝融之峯紫雲銜翠如何其雪嶺崑崙西有路緣
石壁我欲從之卧穹嵌魚有心兮脫網罟江無人
兮鳴楓杉王君飛鳥仍未去蘇耽宅中意遶緘

五言律詩

駕幸河東

晉水千廬合汾橋萬國從
闕唐天業盛入沛聖恩
濃下輦迴三象題碑任六龍
睿明懸日月千載此時逢

塞上曲

邊頭何慘慘已葬霍將軍
部曲皆相吊燕南代北
聞功勳多被黜其馬亦尋分
更遣黃龍戍唯當哭塞雲

胡笳曲

城南廬已合一夜幾重圍自有金節引能令出塞
飛一作能驚聽臨關月苦清入海風微三奏高樓
曉胡人掩淚歸

少年行

走馬遠相尋西樓下夕陰結交期一劍蓄意贈千
金高閣歌聲遠重門柳色深夜闌須盡飲莫負百
年心

寒食卽事

晉陽寒食地風俗舊來傳雨滅龍蛇火春生鴻鴈
天泣多流水漲歌發舞雲旋西見之推廟空爲人

所憐

沙苑南渡頭

秋霧連雲白歸心浦漱懸津人空守鏡村館復臨
川篷隔蒼茫雨波連演漾田孤舟未得濟入夢在
何年

客廣陵

樓頭廣陵近九月在南徐秋色明海縣寒煙生里
閭夜恍歸楚客昨日渡江書爲問易名叟垂綸不
見魚

遇薛明府謁聰上人

孟浩然有此首

欣逢栢梁故共謁聽公禪石室無人到繩牀見虎
眠陰崖常抱雪枯澗爲生泉出處雖云異同歡在
法筵

謁焦鍊師

中峯青苔壁一點雲生時豈意石堂裏得逢焦鍊
師爐香淨葉案松影閑瑤墀拜受長年藥翩翩西
海西

和振上人秋夜懷士會

白露傷草木山風吹夜寒遙林夢親友高興發雲
端一作巖巒郭外秋聲急城邊月色殘瑤琴多遠思更

爲客中彈

素上人影塔

物化同枯木希夷明月珠本來生滅盡何者是虛
無一坐看如故千齡獨向隅至人非別有方外不
應殊

五言排律

夏月花萼樓酺宴應制

土德三元正堯心萬國同汾陰備冬禮長樂應和
風賜慶垂天澤流歡舊渚宮樓臺生海上簫鼓出
天中霧曉筵初接宵長曲未終雨隨青幕合月照

一作
舞羅空玉陛分朝列文章發聖聰愚臣忝書
賦歌詠頌絲桐

東谿翫月

一作王維詩

月從斷山口遙吐柴門端萬木分

一作紛

空澗流陰

中夜攢光連虛象白氣與風露寒谷靜秋泉響巖
深青靄殘澄清入幽夢破影抱空巒恍惚琴牕裏
松谿曉思難

同王維集青龍寺曇壁上人兄院五韻

本來清淨所竹樹引幽陰簷外含山翠人間出世
心圓通無有象聖境不能侵真是吾兄法何妨友

弟深天香自然會靈異識鐘音

與蘇盧二員外期遊方丈寺而蘇不至因有

此作

一作王維詩

共仰頭陀行能忘世諦情迴看雙鳳闕相去一牛
鳴法向空林說心隨寶地平手巾花氎淨香帔稻
畦成問道邀同舍相期宿化城安知不來往翻得
似無生

送歐陽會稽之任

懷祿貴心賞東流山水長官移會稽郡地邇上虞
鄉緩帶屏紛雜漁舟臨訟堂遙迤迴谿趣

一作猿

唐書續錄
嘯飛鳥行萬室養朝雨千峯迎夕陽輝輝遠洲映
曖曖澄湖光白髮有高士青春期上皇應須枉車
騎爲我訪荷裳

七言律詩

九日登高

青山遠近帶皇州
霧長重陽上北樓
雨歇亭臯僊菊潤
霜飛天苑御梨秋
茱萸插鬢花宜壽
翡翠橫釵舞作愁
設說陶潛籬下醉
何曾得見此風流

萬歲樓

江上巍巍萬歲樓
不知經歷幾千秋
年年喜見山

長在日日悲看水獨流
猿狄何曾離暮嶺鷓鴣空
自泛寒洲誰堪登望雲煙裏
向晚茫茫發旅愁

五言絕句

朝來曲

月昃鳴珂動花連繡戶
春盤龍玉臺鏡唯待畫眉
人

從軍行

大將軍出戰白日暗榆關
三面黃金甲單于破膽
還

題灞池二首

腰鎌欲何之東園刈秋韭世事不復論悲歌和樵
叟

開門望長川薄暮見漁者借問白頭翁垂綸幾年
也

題僧房

棕櫚花滿院苔蘚入閑房彼此名言絕空中間異
香

答武陵田太守

杖一作按劒行千里微軀敢一言曾爲大梁客不負
信陵恩

擊磬老人

雙峯褐衣久一磬白眉長誰識野人意徒看春草芳

武陵田太守席送司馬盧谿

諸侯分楚郡飲餞五谿春山水清輝遠俱憐一逐臣

送郭司倉

映門淮水綠留騎主人心明月隨良掾春潮夜夜深

送譚八之桂林

客心仍在楚江館復臨湘別意猿鳥外天寒桂水

長

品彙云見僧皎然杼山詩式

送劉十五之郡

平明江霧寒客馬江上發扁舟事洛陽宵宵舍楚

月

送李十五

怨別秦楚深江中秋雲起天長杳無隔月影在寒

水

送胡大

荆門不堪別况乃瀟湘秋何處遙望君江邊明月

樓

送張四

楓林已愁暮楚水復堪悲別後冷山月清猿無斷時

卷終

丙籤二十一 王昌齡之四 唐音統籤卷二 一百十

七言絕句

甘泉歌

乘輿執玉已登壇
細草霑衣春殿寒
昨夜雲生拜初月
萬年甘露水晶盤

殿前曲二首

貴人妝梳殿前催
香風吹入殿後來
仗引笙歌大宛馬
白蓮花發照池臺

胡部笙歌西殿頭
梨園弟子和涼州
新聲一段高樓月
聖主千秋樂未休

春宮曲

昨夜風開露井桃
未央前殿月輪高
平陽歌舞新承寵
簾外春寒賜錦袍

西宮春怨

西宮夜靜百花香
欲捲珠簾春恨長
斜抱雲和深見月
朦朧一作朧朧樹色隱昭陽

西宮秋怨

芙蓉不及美人妝
水殿風來珠翠香
誰分含啼一作却恨含情掩秋扇
空懸明月待君王

長信秋詞五首

金井梧桐秋葉黃珠簾
顏色卧聽南宮清漏長

高殿秋砧響夜闌霜深
縫歇還向金城明主看

奉帚平明金殿開且將
團扇暫一作共徘徊玉顏不

及寒鴉色猶帶昭陽日影來謝疊山云此篇怨而不怒有風人之義

真成薄命又尋思夢見
君王覺後疑火照西官知
夜飲分明複道奉恩時

長信宮中秋月明昭陽
殿下擣衣聲白露堂中
草跡紅羅帳裏不勝情

蕭駙馬宅花燭

青鸞飛入合歡宮
紫鳳銜花出禁中
可憐今夜千門裏
銀漢星槎一道通

采蓮曲二首

吳姬越豔楚王妃
爭弄蓮舟水濕衣
來時浦口花迎入
采罷江頭月送歸

荷葉羅裙一色裁
芙蓉向臉兩邊開
亂入池中看不見
聞歌始覺有人來

浣紗女

錢塘江畔是誰家
江上女兒全勝花
吳王在時不

得出今日公然來浣紗

閨怨

閨中少婦不會愁春日凝妝上翠樓忽見陌頭楊

柳色悔教夫婿覓封侯

空閨少婦凝妝上樓已是十分無聊矣見柳色而悔

別離情至自復不禁非關柳色也謝疊山引詩草
益采蘇謂草木禽蟲和樂皆足動人傷悲宋人說
詩好作議論不着人痛癢率如此本
不足深議以後人多誤採其說著之

春怨

音書杜絕白狼西桃李無顏黃鳥啼寒鴈春深歸
去盡出門腸斷草萋萋

青樓怨

香幃風動花入樓高調鳴箏
縷夜愁腸斷關山不
解說依依殘月下簾鉤

青樓曲二首

白馬金鞍從武皇
旌旗十萬宿長楊
樓頭小婦鳴
箏坐遙見飛塵入建章

馳道楊花滿御溝
紅妝綬綰上青樓
金章紫綬千
餘騎夫婿朝回初拜侯

從軍行七首

烽火賊西百尺樓
黃昏獨上一一作海風秋更吹羌

笛關山月無那一作金閨萬里愁

琵琶起舞換新聲，總是關山離一作舊別情。撥亂邊

愁聽

一作彈

不盡高高秋月照長城

關城榆葉早疎黃，日暮雲沙古戰場。表請回軍掩
塵骨，莫教兵士哭龍荒。

青海長雲暗雪山，孤城遙望玉

一作馬

門關。黃沙百

戰穿金甲，不破樓蘭終

一作竟

不還

大漠風塵日色昏，紅旗半捲出轅門。前軍夜戰洮
河北，已報生擒吐谷渾。

胡瓶落膊紫薄汗，碎葉城西秋月團。明勅星馳封

寶劔，辭君一夜取樓蘭

薄汗疑作駃騠

玉門山嶂幾千重山北山南總是烽人依遠戍須
看火馬踏深山不見蹤

出塞二首

秦時明月漢時關萬里長征人

一作征夫尚

未還但使

龍城飛將在不教胡馬度陰山

李于鱗以此詩爲唐人絕句第一

騶馬新跨白玉鞍戰罷沙場月色寒城頭鐵鼓聲
猶振匣裏金刀血未乾

出塞行

白草

一作花

原頭望京師黃河水流無盡時秋天曠

野行人絕馬首東來知是誰

河上歌

河上老人坐古槎
合丹只用青蓮花
至今八十如
四十口道滄溟是我家

武陵龍興觀黃道士房間易因題

齋心問易太陽宮
八卦真形一氣中
僊老言餘鶴
飛去玉清壇上雨濛濛

武陵開元觀黃鍊師院三首

松間白髮黃尊師
童子燒香禹步時
欲訪桃源入
谿路忽聞雞犬使人疑

先賢盛說桃花源
塵忝何堪武陵郡
聞道秦時避

唐音統集
地人至今不與人通問

山觀空虛清靜門從官役吏擾塵喧暫因問俗到
真境便欲投誠依道源

題朱鍊師山房

叩齒焚香出世塵齋壇鳴磬步虛人百花僊醞能
留客一飯胡麻度幾春

梁苑

梁園秋竹古時煙城外風悲欲暮天萬乘旌旗何
處在平臺賓客有誰憐

李四倉曹宅夜飲

霜天留飲

一作後

故情歡銀燭金爐夜不寒欲問吳

江別來意青山明月夢中看

宴春源

源向春城花幾重江明深翠引諸峯與君醉失松
谿路山館寥寥傳暝鐘

龍標野宴

沅谿夏晚足涼風春酒相攜就竹叢莫道絃歌愁
遠謫青山明月不曾空

聽流人水調子

孤舟微月對楓林分付鳴箏與客心嶺色千重萬

重雨斷絃收與淚痕深

觀獵

角鷹初下秋草稀
鐵驄拋鞚去如飛
少年獵得平原兔
馬後一作上橫捎意氣歸

至南陵答皇甫岳

與君同病復漂淪
昨夜宣城別故人
明主恩深非歲久
長江還共五谿濱

寄穆侍御出幽州

一從恩譴度瀟湘
塞北江南萬里長
莫道薊門書信少
鴈飛猶得到衡陽

寄陶副使

聞道將軍破海門如何遠謫渡湘沅
春來明主封西嶽自有還君紫綬恩

西江寄越弟

南浦逢君嶺外還沅谿更遠洞庭山
堯時恩澤如春雨夢裏相逢同入關

留別司馬太守

辰陽太守念王孫遠謫沅谿何可論
黃鸝青雲當一舉明珠吐着報君恩

別陶副使歸南海

南越歸人夢海樓
廣陰新月海亭秋
寶刀留贈長
相憶當取戈船萬戶侯

重別李評事

莫道秋江離別難
舟船明日是長安
吳姬緩舞留
君醉隨意青楓白露寒

別李浦之京

故園今在灞陵西
江畔逢君醉不迷
小弟鄰莊尚
漁獵一封書寄數行啼

別辛漸

別館蕭條風雨寒
扁舟月色渡江看
酒酣不識關

西道却望春江雲尚殘

留別郭八

長亭駐馬未能前井邑蒼茫合暮煙醉別何須更

惆悵回頭不語但

一作垂鞭

別皇甫五

潑浦潭陽隔楚山離樽不用起愁顏明祠靈響期
昭應天澤俱從此路還

盧谿別人

武陵谿口駐扁舟谿水隨君向北流行到荆門上
三峽莫將孤月對猿愁

送柴侍御

沅水通波接武岡送君不覺有離傷
青山一道同雲雨明月何曾是兩鄉

送鄭判官

東楚吳山驛樹微
輶車銜命奉恩輝
英僚攜出新豐酒
半道遙看驄馬歸

送崔參軍往龍谿

龍谿只在龍標上
秋月孤山兩相向
譴謫離心是丈夫
鴻恩共待春江漲

送姚司法歸吳

吳掾留鴈楚郡心洞庭秋雨海門陰但令意遠扁

舟近

一作送

不道滄江百丈深

送薛大赴安陸

津頭雲雨暗湘山遷客離憂楚地顏遙送扁舟安
陸郡天邊何處穆陵關

送吳十九往沅陵

沅江流水到辰陽谿口逢君驛路長遠謫誰知望
雷雨明年春水共還鄉

送高三之桂林

留君夜飲對瀟湘從此歸舟客夢長嶺上梅花侵

雪暗歸時遠拂桂枝香

送萬大歸長沙

桂陽秋水長沙縣楚竹離聲爲君變青山隱隱孤
舟微白鶴雙飛忽相見

送人歸江夏

寒江綠水楚雲深莫道離憂遷遠心曉夕雙帆歸
鄂渚愁將孤月夢中尋

巴陵送李十二

搖曳巴陵洲渚分清江傳語便風聞山長不見秋
城色日暮蒹葭空水雲

芙蓉樓送辛漸二首

寒雨連天夜入吳，平明送客楚山孤。
洛陽親友如相問，一片冰心在玉壺。

丹陽城南秋海陰，丹陽城北楚雲深。
高樓送客不能醉，寂寂寒江明月心。

送裴圖南

黃河渡頭歸問津，離家幾日茱萸新。
漫道閩中飛破鏡，猶看陌上別行人。

送朱越

遠別舟中蔣山暮，君行舉首燕城路。
薊城秋月隱

黃雲期向金陵醉江樹

送狄宗亨

秋在水清山暮蟬洛陽樹色鳴臯煙送君歸去愁
不盡又惜空度涼風天

送魏二

醉別江樓橘柚香江風引雨入船涼憶君遙在瀟
湘月愁聽清猿夢裏長

送李五

玉盃金壘傾送君江西日入起黃雲扁舟乘月暫
來去誰道滄浪吳楚分

送竇七

清江月色傍林秋，波上熒熒望一舟。
鄂渚輕帆須早發，江邊明月爲君留。

送程六

冬夜傷離在五谿，青魚雪落鱸肥時。
武岡前路看斜月，片片舟中雲向西。

送十五舅

深林秋水近日空，歸棹瀟瀟清陰中。
夕浦離觴意何已，草根寒露悲鳴蟲。

句

朝薦抱良策獨倚江城樓

述續詩式

昨從金陵邑遠

謫沅溪濱

沅志

娟魄已三孕

以下海錄碎事

駕幸溫泉

日嚴霜子月初

長亭酒未醒千里風動地

以下河岳

英靈集

蒼荻寒滄江石頭岸邊飲

天仗森森練

雪疑身騎鐵驄自臂鷹

丙籤二十二

唐音統籤卷

一百十三

陶翰潤州人開元十八年擢進士第又擢宏詞科

官禮部員外郎詩一卷

唐志卷四宋志一卷 璠云歷代詞人詩筆雙美

者鮮矣今陶生實謂兼之既多與象復備風骨三百年以前方可論其體裁

古塞下曲

紀事作王季友誤

進軍飛狐北窮寇勢將變日落沙塵昏背河更一

戰驛一作駿

馬黃金勒凋弓白羽箭射殺左賢王歸

奏未央殿欲言塞下事天子不召見東出咸陽門

哀哀淚如霰

燕歌行

請君留楚調聽我吟燕歌家在遼水頭邊風意氣
多出身爲漢將正值戎未和雪中凌天山冰上度
交河大小百餘戰封侯竟蹉跎歸來灞陵下故舊
無相過雄劍委塵匣空門唯雀羅玉簪還趙姝一作
女瑤琴付齊娥昔日不爲樂時哉今奈何

望太華贈盧司倉

行吏到西華乃觀三峯壯削成元氣中傑出天漢
上如有飛動色不知青冥狀巨靈安在哉厥跡猶
可望方此顧一作行旅未田飭一作僊葉蔥龍記
星壇明滅數雲嶂良友垂真契宿心所嚮尚敢投

歸山吟霞徑一相訪

贈鄭員外

驄馬拂繡裳按兵遼水陽西分鴈門騎北逐樓煩
王聞道五軍集相邀百戰場風沙暗天起虜騎森
已行儒服掛一作護諸將雄謀吞八荒金門來見謁
朱紱生輝光數載侍御史稍遷尚書郎人生志氣
立所貴功業昌何必守章句終年事鉛黃同時獻
賦客尚在東陵傍

贈房侍御

時房在新安

志士一作人

固不羈與道常周旋則天下仰已之

能晏然褐衣東府召執簡南臺先雄義每特立犯
顏豈圖全謫居東南遠逸氣吟芳荃適會寥廓起
清波更黃緣扁舟入五湖發纜洞庭前浩蕩臨海
曲迢遙濟江埽徵奇忽忘返遇興將彌年乃悟范
生智足明漁父賢郡臨新安渚佳賞此城偏日夕
對層岫雲霞映晴川閑居變秋色偃臨含貞堅倚
伏自相化行藏互推遷君其振羽翮歲晏將冲天

晚出伊闕寄河南裴中丞

退無偃息資進無當代策冉冉時將暮坐爲周南
客前登關塞門永眺伊城陌長川黯已暮千里寒

氣白家本

一作在

渭水西異日同所適秉志師禽尚

微言祖莊易一辭林壑間共繫風塵役才名

一作交册

忽先進天邑多紛劇豈念嘉遯時依依偶沮溺

送朱大出關

楚客西上書十年不得意平生相知者晚節心各
異長揖五侯門拂衣謝中貴丈夫多別離各有四
方事拔劍因高歌蕭蕭北風至故人有斗酒是夜
共君醉努力長加餐當年莫相棄

宿天竺寺

松柏亂巖口山西微徑通天開一峯見宮闕生虛

空正殿倚霞壁千樓標石叢夜來援鳥靜鐘梵寒

雲中峯

一作峯

翠映湖月泉聲亂谿風心超諸境外

了與懸解同明發唯改視朝日長崖東

一作明發氣候改起

視長崖東

湖色濃蕩漾海光漸矐矐葛僊迹尚在許氏

道猶崇獨往古來事幽懷期二公

出蕭關懷古

驅馬擊長劔行役至蕭關悠悠

一作然

五原上永眺

關河前北虜三十萬此中常控弦秦城亘宇宙漢
帝理旌旃刁斗鳴不息羽書日夜傳五軍計莫就
三策議空全大漠橫萬里蕭條絕人煙孤城當瀚

海落日照祈連愴矣苦寒奏懷哉式微篇更悲秦
樓月夜夜出胡天

南楚懷古

南國久蕪漫我來空鬱陶君看章華宮處處生黃
蒿但見陵與谷豈知賢與豪精鬼托古木寶玉捐
江臯倚棹下晴景廻舟隨晚濤碧雲暮寥落湖上
秋天高往事那堪問此心徒自勞獨餘湘水上千
載聞離騷

經殺子谷

扶蘇秦帝子舉代稱其賢百萬猶在握可爭天下

權束身就一劔壯志皆棄捐塞下有遺跡千齡人
共傳疎蕪盡荒草寂歷空寒煙到此盡垂淚非我
獨潸然

早過臨淮

夜來三渚風

一作夜泊
三風渚

晨過臨淮島湖中海氣白

城上楚雲早鱗鱗魚浦帆漭漭蘆洲草川路日浩
蕩怒焉心如擣且言任倚伏何暇念枯槁范子名
屢移蘧公志常保古人去已久此理今難道

乘潮至漁浦作

熾棹乘早潮潮來如風雨樟臺忽已隱界峯莫及

觀

一作嶂高忽已
界峯暗莫及巍

崩騰心爲失浩蕩目無主風停

浪始聞

一作厯愷
浪始開

漾漾入漁浦雲景共澄霽江山

相吞吐偉哉造化工此事從終古流沫誠足誠商
歌調易苦頗因忠信全客心猶栩栩

秋山夕興

山月松篠下月明山景鮮聯爲高秋酌復此清夜
絃晤語方獲志栖心亦彌年尚言興未逸更理道
遙篇

送集賢學士伊闕史少府勅放歸江東觀省

一作恭

毋潛詩

唐音類集
墨客鍾張侶材高吳越珍千門來謁帝駟馬去榮
親吏邑沿清洛鄉山指白蘋歸期應不遠當及未
央春

送金卿歸新羅

奉義朝中國殊恩及遠臣鄉心遙渡海客路再經
春落日誰同望孤舟獨可親拂波銜木鳥偶宿泣
珠人禮樂夷風變衣冠漢制新青雲已干呂知汝
重來賓

奉試柳陌聽早鶯

忽來枝上轉還似谷中聲乍使香閨靜偏傷遠客

情間關難辨處斷續甚石頻驚玉勒留將久青樓夢
不成千門候曉發萬井報春生徒有知音賞慙非
臯鶴鳴

丙籤二十三

唐音統籤卷

四一百十

盧象字緯卿汶水人開元中山前進士補秘書郎
張九齡深器之擢左補闕名盛氣高少所卑下爲
飛語所中左遷齊汾鄭三郡司馬入爲膳部員外
祿山亂以受僞署貶永州司戶起爲主客員外道
病留武昌卒集十二卷

宋志詩一卷

今編一卷

殷璠云象詩雅

而不素有大體得國士之風

鄉試後自鞏還田家因謝鄰友見過之作

雞鳴出東邑馬倦登南巒落日見桑柘翳然丘中
寒鄰家多舊識投暝來相看且問春稅苦兼陳行

路難園場近陰壑草木易凋殘峯暗雪猶積澗深
冰已團浮名知何用歲晏不成歡置酒共君飲當
歌聊自寬

家叔徵君東谿草堂二首

開山十餘里青壁森相倚欲識堯時天東谿白雲
是雷聲轉幽壑雲氣香流水澗影生龍

一作蛇巖

端霧檉梓大道終不易君恩曷能已鶴羨無老時
龜言攝生理浮年笑六甲元化潛一指未暇掃雲
梯空慙阮家子

今朝共遊者得性閑未歸已到僊人家莫驚鷗鳥

飛水深巖子釣松挂巢父衣雲氣轉幽寂谿流無
是非名理未足羨腥臊詎所希自惟負貞意何歲
當食薇

八月十五日象自江東止田園移莊慶會未
幾歸汶上小弟幼妹尤悲其別兼賦是詩三

首

謝病始告歸依依入桑梓家人皆佇立相候衡門

裏時輩

一作
晴類

皆長年成人舊童子上堂家慶畢顛

與姻親齒論舊或餘悲目存且相喜田園轉蕪沒
但有寒泉水衰柳日蕭條秋光清邑里入門乍如

月音彩畫
客休騎非便止中飯

一作飲

顧王程離憂從此始

三首

俱見王維集

兩妹日長成雙鬢將及人已能持寶瑟自解掩羅巾念昔別時小未知疎與親今來識離恨拭淚方殷勤

小弟更孩幼歸來不相識同居雖漸慣見人猶默默宛作越人語殊甘水鄉食別此最爲難淚盡有餘憶

歎白髮

又見王維集

我年一何長鬢髮日已白俛仰天地間能爲幾時

客惆悵故山雲徘徊空日夕何事與時人東城復南陌

贈程秘書

客自岐陽來吐音若鳴鳳孤飛畏不偶獨立誰見用忽從被褐中召入承明宮聖人借顏色言事無不通殷勤拯黎庶感激論諸公將相猜賈誼圖書歸馬融顧余久寂寞一歲麒麟閣且共歌太平勿嗟名宦薄

青雀歌

啾啾青雀兒飛來飛去仰天池逍遙飲啄安涯分

何假扶搖九萬爲

雜詩二首

家居五原上征戰是平生獨負山西勇誰當塞下

一作上

名死生遼海戰雨雪薊門行諸將封侯盡論

功獨不成

方虛谷云感慨有餘但五原山西遼海薊門四處相遙遠詩寓意言辛苦以譏

夫偶然而成名者未必皆辛苦也

君家御溝上垂柳夾朱門列鼎會中貴鳴珂朝至尊死生在片議窮達由一言須識苦寒士莫矜狐

白溫

竹里館

江南水不閉山澤氣潛通
臘月聞山鳥寒崖見鰲
熊柳林春半合荻笋亂無叢
回首金陵岸依依向北風

永城使風

長風起秋色細雨含落暉
夕鳥向林去晚帆相逐
飛蟲聲出亂草水氣薄行衣
一別故鄉道悠悠今始歸

峽中作

高唐幾百里樹色

一作雲樹

接陽臺晚見江山霧宵聞

風雨來雲從三峽起
天向數峯開靈境
信難見輕

唐詩續書
舟那可回

早秋宴張郎中海亭卽事

又見孟浩然集

邑有絃歌宰翔鸞狎野

一作已狎

鷗養言華省舊暫滯

一作拂

海池遊鬱島藏深竹前谿對舞樓更聞書卽

事雲物是新秋

贈廣川馬先生

經書滿腹中吾識廣川翁年老甘無位家貧懶發
家人歸洙泗學歌盛舞雩風願接諸生禮二年事
馬融

和徐侍郎叢篠詠

一作蔣渙詩

中禁夕沈沈幽篁別作林色連雞樹近影落鳳池
深爲重凌霜節能虛應物心年年承雨露長對紫
庭陰

同李北海追涼歷下古城西北隅此地有清
泉喬木

謝朓出華省王祥貽佩刀前賢真可慕衰病意空
勞貞悔不自卜遊隨共爾曹未能齊得喪時復誦
離騷閑陰七賢地醉餐三士桃蒼苔虞舜井喬木
古城壕漁父偏相狎堯年不可逃蟬鳴秋雨霽雲
白曉山高咫尺傳雙鯉吹噓借一毛故人皆得路

誰肯念同袍

奉和張使君宴加朝散

佐理星辰貴分榮渙汗深言從大夫後用答聖人
心騎擁軒裳客鸞驚翰墨林停杯歌麥秀秉燭醉
棠陰爽氣凌秋笛輕寒散暝砧祗祗應將四子講德
謝知音

贈張均員外

公門世緒

業一作

昌才子冠裴王出自平津郎還爲

吏部郎神仙餘氣色列宿動輝光夜直南宮

辭一作

近朝趨北禁長時人歸

覓一作

水鏡明主賜衣襍翰

苑飛鸚鵡天池待鳳皇承歡

一作欣

疇日顧未紀

一作

記後時傷去去圖南遠微才幸不忘

送祖詠

田家宜伏臘歲晏子言歸石路雪初下荒村雞共
飛東原多煙火北澗隱寒暉滿酌野人酒倦聞鄰
女機胡爲困

一作因

樵采幾日罷

一作解

朝衣

送綦毋潛

夫君不得意本自滄海來高足未云騁虛舟空復
迴淮南楓葉落灞岸桃花開出處暫爲耳沈浮安
繫哉如何天覆物還遺世遺才欲識秦將漢嘗聞

王與裴離筵對寒食別雨乘春雷會有辟書至荷
衣莫漫裁

送趙都護赴安西

下客候旌麾元戎復在斯門開都護府兵動羽林
兒黠虜多翻覆謀臣有別離智同天所授恩共日
相隨漢使開賓幕胡笳送酒卮風霜迎馬首雨雪
事魚麗上策應無戰深情屬載馳不應行萬里明
主寄安危

駕幸溫泉

傳聞聖主幸新豐清蹕鳴鑾出禁中細草終朝隨

步輦垂楊幾處繞行宮千官扈從驪山北萬國來
朝渭水東此日小臣徒獻賦漢家誰復重楊雄

戲贈邵使君張郎

少婦石榴裙新妝白玉面能迷張公子不許時相
見

同王維過崔處士林亭

映竹時聞轉轆轤當牕只見網蜘蛛主人非病常
高卧環堵蒙籠一老儒

寄河上段十六

一作王維詩

與君相識卽相親聞道君家住孟津爲見行舟試

借問客中時有洛陽人

句

吳越山多秀新安江甚清

殷璠評其盡東南數郡河嶽英靈

書

名會粹才偏逸酒號屠蘇味更醇

贈鄭虔唐語林

初疑

輕煙澹古松又似山開萬仞峯

贈懷素顏真卿序

丙籤二十四

唐音統籤卷

五 一百十

高適字達夫

一字仲武

渤海蓆人少濩落不事生業客

梁宋以求丐取給年過五十始留意詩什數年間
體格漸變以氣質自高每吟一篇已爲好事者稱
誦舉有道科解褐封丘尉去客河西哥舒翰表爲
左驍衛兵曹掌書記進左拾遺轉監察御史潼關
失守奔赴玄宗行在擢諫議大夫負氣敢言權幸
憚之肅宗擢兼御史大夫淮南節度蜀中亂以爲
蜀州刺史遷彭州平段子璋進成都尹劔南西川
節度使代宗召爲刑部侍郎轉散騎常侍進封渤

海縣侯永泰元年卒贈禮部尚書諡曰忠適喜言

王霸大略務功名尚節義逢時多難以安危爲已

任累爲藩牧政存寬簡吏民便之有唐以來詩人

之達者唯適而已集二卷

宋志詩集十二卷

今編六卷

殷璠

云常侍性拓落不拘小節耻預常科隱迹博徒才名自遠其詩多胃臆語兼有氣骨故朝野通賞其文嚴滄浪云高岑之詩悲壯讀之令人感慨徐獻忠云常侍朔氣縱橫壯心落落讀其詩感賞之情殆出常表視諸蘇子卿之悲憤陸平原之惆悵辭節雖離而音調不促無以過之矣胡應麟云達夫歌行五言律極有氣骨七言律雖和平婉厚然已失盛唐雄瞻漸入中唐矣

五言古詩一

薊門行五首

薊門逢古

一作故

老獨立思氛氲一身既零丁頭鬢

白紛紛勲庸今已矣不識霍將軍

漢家能用武開拓窮異域戍卒厭糟糠降胡飽衣食
關亭試一望吾欲淚沾臆

邊城十一月雨雪亂霏霏元戎號令嚴人馬亦輕肥
羌胡無盡日征戰幾時歸

幽州多騎射結髮重橫行一朝事將軍出入有聲名
紛紛獵秋草相向角弓鳴

黯黯

一作茫茫

長城外日沒更煙塵胡騎雖憑陵漢兵

不顧身古樹滿空塞黃雲愁殺人

三君詠

并序

開元中適遊於魏郡郡北有故太師鄭公舊館
里中有故尚書郭公遺業邑外又有故太守狄
公生祠焉觀物增
懷遂爲三君詠

魏鄭公

徵

鄭公經綸日隋氏風塵昏濟代取高位逢時敢直
言道光先帝業義激舊君恩寂寞卧龍處英靈千
載覓

郭代公

元振

代公實英邁津涯浩難識擁兵抗矯徵仗節歸有
德縱橫負才智顧盼安社稷流落勿重陳懷哉爲

悽惻

狄梁公仁傑

梁公乃貞固勲業垂竹帛昌言太后朝潛運儲君
策待賢開相府共理登方伯至今青雲人猶是門
下客

苦雪四首

二月猶北風天陰雪冥冥寥落一室中悵然慚百
齡苦愁正如此門柳復青青

惠連發清興袁安念高卧余故非斯人爲性兼懶
惰賴茲樽中酒終日聊自過

濛濛灑平陸浙瀝至幽居且喜潤羣物焉能悲斗
儲故交久不見鳥雀投吾廬

孰云久閑曠本自保知寡窮巷獨無成春條祗盈
把安能羨鵬舉且欲歌牛下乃知古時人亦有如
我者

自淇涉黃河途中作十三首

川上常極目世情今已闕去帆帶落日征路隨長
山親友若雲霄可望不可攀於茲任所愜浩蕩風
波間

清晨泛中流羽族滿汀渚黃鵠何處來昂藏寡儔

侶飛鳴無人見飲啄豈得所雲漢爾固知胡爲不
輕舉

野人頭盡白與我忽相訪手持青竹竿日暮淇水
上雖老美容色雖貧亦閑放釣魚三十年中心無
所向

南登滑臺上却望河淇間竹樹夾流水孤城對遠
山念茲川路闊羨爾沙鷗閑長想別離處猶一作獨

無音信還

東入黃河水茫茫汎紆直北望太行山峨峨半天
色山河相映帶深淺未可測自昔有賢才相逢不

相識

秋日登滑臺臺高秋已暮獨行旣未愜懷土悵無
趣晉宋何蕭條羌胡散馳騫當時無戰畧此地卽
邊戍兵革徒自勤山河孰云固乘閑喜臨眺感物
傷遊寓惆悵落日前飄飄遠帆處北風吹萬里南
鴈不知數歸意方浩然雲沙更迴互

亂流自茲遠

一作始

倚楫時一望遙見楚漢城崔巍

高山上天道昔未測人心無所向屠釣稱侯王龍
蛇爭霸王緬懷多殺戮顧此增慘愴聖代休甲兵
吾其得閑放

茲川方悠邈雲沙無前後古堰對河壩長林出洪
口獨行非吾意東向日已久憂來誰得知且酌樽
中酒

朝從北岸來泊船南河滸試共野人言深覺農夫
苦去秋雖薄熟今夏猶未雨耕耘日勤勞租稅兼
烏鹵園蔬空寥落產業一作薄產不足數尚有獻芹心
無因見明主

茫茫濁河注懷古臨河濱禹功本豁達漢跡方因
循坎德昔一作竟滂沱馮夷胡不仁激一作渤瀾陵隄

防東郡多悲辛天子忽驚悼從官皆負薪畚築豈

無謀祈禱如有神宣房今安在高岸空嶙峋

我行倦風湍輟棹將問津空傳歌瓠子感慨獨愁

人孟夏桑葉肥穠陰

一作濛濛

夾長津蠶農有時節田

野無閑人臨水狎漁樵望山懷隱淪誰能去京洛

顛顛對風塵

朝景人平川川長復垂柳遙看魏公墓突兀前山

後憶昔大業時羣雄角

一作各

奔走伊人何電邁獨

立風塵首傳檄舉教倉擁兵屯洛口連營一百萬

六合如可有方項終比肩亂隋將假手力爭固難

恃驕戰曷能久若使學蕭曹功名當不朽

皤皤河濱叟相遇似有耻輟榜聊問之
答言盡終始一生雖貧賤九十年未死
且喜對兒孫彌慙遠城市結廬黃河曲
垂釣長河裏漫漫望雲沙蕭條聽風水
所思強飯食永願在鄉里萬事吾不知
其心只如此

魯西至東平

沙岸泊不定石橋水橫流問津見魯俗
一作懷古傷家丘寥落千載後空傳褒聖侯

東平路作三首

南圖適不就東走豈吾心索索涼風動
行行秋水

深蟬鳴木葉落茲夕更愁霖

明時好畫策動欲干王公今日無成事依依親老
農扁舟向何處吾愛汶陽中

清曠涼夜月徘徊孤客舟渺然風波上獨愛一作夢

前山秋秋至復搖落空令行者愁

東平路中遇大水

天災自古有昏墊彌今秋霖霖一作霖溢川原瀕洞

涵田疇指途適汶陽挂席經蘆洲永望齊魯郊白
雲何悠悠傍沿鉅野澤大水縱橫流蟲蛇擁獨樹
麋鹿奔行舟稼穡隨波瀾西成不可求室居相枕

藉蛙黽聲啾啾仍憐穴蟻漂益美雲禽游農夫無
倚着野老生殷憂聖主當多一作深仁廟堂運良籌
倉廩終爾給田租應罷收我心胡鬱陶征旅亦悲
愁縱橫濟時策誰肯論吾謀

宋中十首

梁王昔全盛賓客復多才悠悠一千年陳跡唯高
臺寂寞向秋草悲風千里來

朝臨孟諸上忽見芒碭間赤帝終已矣白雲長不
還時清更何有禾黍徧空山

景公德何廣臨變莫能欺三謀皆不忍妖星終自

移君心本如此天道豈無知

梁苑白日暮梁山秋草時
君王不可見脩竹令人
悲九月桑葉盡寒風鳴樹枝

登高臨舊國懷古對窮秋
落日鴻鴈度寒城砧杵
愁昔賢不復有行矣莫淹留

出門望終古獨立悲且歌
憶昔魯仲尼悽悽此經
過衆人不可向伐樹將如何

逍遙漆園吏冥沒不知年
世事浮雲外閑居大道
邊古來同一馬今我亦忘筌

五霸遞征伐宋人無戰功
解圍幸奇說易子傷吾

衷唯見盧門外蕭條多轉蓬

常愛宓子賤鳴琴能自親邑中靜無事豈不由其

身何意千年後寂寞一竹無此人

闕伯去已久一作遠高丘臨道傍人皆有兄弟爾獨

爲參商終古猶如此而今一作今人安可量

薊中作

策馬自沙漠長驅登塞垣邊城何蕭條白日黃雲
昏一到征戰處每愁胡虜翻豈無安邊書諸將已
承恩惆悵孫吳事歸來獨閉門

登隴

隴頭遠行客隴上分流水流水無盡期行人未云
已淺才登一命孤劍通萬里豈不思故鄉從來感
知已

塞上

東出盧龍塞浩然客思孤亭候列萬里漢兵猶備
胡邊塵滿北溟虜騎

一作塞馬

正南驅轉鬪豈長策和

親非遠圖惟昔李將軍按節臨此都總戎掃大漠
一戰擒單于常懷感激心願効縱橫謨倚劍欲誰
語關河空鬱紆

宴韋司戶山亭院

人幽想靈山意愜憐遠水習靜務爲適所居還復
爾汲流漲華池開酌宴君子苦遲試窺踐石屏可
攀倚入門見中峯攜手如萬里橫琴了無事垂釣
應有以高館何沉沉颯然涼風起

漣上題樊氏水亭

漣上非所趣偶爲世務牽經時駐歸棹日夕對平
川莫論行子愁且得主人賢亭上酒初熟厨中魚
每鮮自說宦遊來因之居住偏煮鹽滄海曲種稻
長淮邊四時常晏如百口無饑年菱芋藩籬下漁
樵耳目前異縣少朋從我行復迤邐向不逢此君

孤舟已言旋明日又分手

一作首

風波還眇然

登百丈峯二首

朝登百丈峯遙望燕支道漢壘青冥間胡天白如
掃憶昔霍將軍連年此一作比征討匈奴終不滅寒

山徒草草唯見

一作有

鴻鴈飛令人驚懷抱

晉武輕後事惠皇終已昏豺狼塞灑洛胡羯爭乾
坤四海如鼎沸五原徒自尊而今白庭路猶對青
陽門朝市不足問君臣隨草根

登廣陵棲靈寺塔

淮南富登臨茲塔信奇最直上造雲族憑虛納天

籟迥然碧海西，獨立飛鳥外。始知高興盡，適與賞
心會。連山黯吳門，喬木吞楚塞。城池滿應下，物象
歸掌內。遠思駐江帆，暮情結春靄。軒車疑蠢動，造
化資大塊。何必了無身，然後知所退。

宓公琴臺詩三首

甲申歲適登子賤琴臺賦詩三章首章懷宓公
之德千祀不朽次章美太守李公能嗣子賤之
政再造琴臺末章多邑
宰崔公能思子賤之政

宓子昔爲政，鳴琴登此臺。琴和人亦閑，千載稱其
才。臨眺忽悽愴，人琴安在哉。悠悠此天壤，唯有頌
聲來。

那伯感遺事慨然建琴堂乃知靜者心千載猶相
望入室想其人出門何茫茫唯見白雲合東臨鄒
魯鄉

皤皤邑

一作巴

中老自誇邑中理何必升君堂然後

知君美開門無犬吠早卧常晏起昔人不忍欺今
我還復爾

觀李九少府翥樹宓子賤神祠碑

吾友吏茲邑亦嘗懷宓公安知夢寐間忽與精靈
通一見興永歎再來激深衷賓從何逶迤二十四
老翁於焉建層碑突兀長林東作者無愧色行人

感遺風坐令高岸盡獨對秋山空片石勿謂輕斯
言固難窮龍盤色絲外鵲顧偃波中形勝駐羣目
堅貞指蒼穹我非王仲宣去矣徒發蒙

題尉遲將軍新廟

周室旣板蕩賊臣立嬰兒將軍獨激昂誓欲酬恩
私孤城日無援高節終可悲家國共淪亾精蒐空
在斯沈沈積冤氣寂寂無人知良牧懷深與與君
建明祠父子俱血食軒車每逶迤我來薦蘋蘩感
歎興此詞晨光上階闔殺氣翻旌旗明明幽冥理
至誠信莫欺唯夫二千石多慶方自茲